

四庫全書

集部

欽定四庫全書

粵西詩載卷十九

桂林府通判汪森編

七言律

懷集花石洞

李先春

何年花石自成臺為訪仙源載酒來
壺裏有天餘日月山中無地著塵埃
松濤夜落醒龍耳梅吹秋深起鶴猜
想是巨靈曾解約四門今始為予開

四門詒

乾坤容易幾開樽
駐馬乘秋叩四門
何處金蓮垂地液
萬年玉柱自天根
月明似妬龍珠媚
石怪猶疑虎迹蹲
笑指丹崖尋羽客
逢人直欲問桃源

秋杪登達觀樓三首

樓聳千山足達觀
登臨况復故人歡
雲開筆架峰前色
露滴仙人掌上寒
龍浦漁歌乘客動
泮池烟水隔簾看
尊前醉殺懷山月
莫問城頭秋欲闌

客子高攀百尺欄，不堪秋色滿琅玕。
魏無絃管能新俗，喜有風雲足達觀。
望裏山河雙眼濶，往來宇宙一身寬。
相逢到處堪成賦，老我風塵歎一官。

秋入樓頭楓葉丹，登高作賦幾人看。
思尊意味惟張翰，折屐風流誰謝安。
喚客南溪朝欲渡，濕人北斗夜猶寒。
憑闌一笑忘今古，目斷江天是羽翰。

倚雲樓

倚雲樓閣冠南州，指顧乾坤足勝游。
四壁芙蓉雲外落，

半簾烟水望中收
瘴開已見山邀月
蠻淨猶聞牧有牛
徙倚闌干聽吹笛
何人解作武城秋

重陽先一日訪塔山主人不值

未到重陽訪塔山
主人誰問竹誰看
曇花不散諸天色
蘭若長愁一榻寒
景勝每於山水得
公餘寧訝帶裘寬
僧來不解游人意
猶自焚香接郡官

重陽登塔山

重陽強起一登山
秋色蕭條客思殷
落帽風流今幾在

悲秋詞賦未堪攀
愁看白雁憑誰寄
羞插黃花恐鬢斑
天地容吾朋輩在
風塵猶得一開顏

秋日雨後登懷城樓

孤城睥睨倚山阿
為采民風策馬過
何處人家開橘柚
夾溪漁唱雜絃歌
秋霜已散山無瘴
蠻雨初收海不波
欲識太平元有象
登臨懷抱竟如何

遊思陵山

江萬仞

西山佳勝挹羣芳
初夏登臨日正長
雲掛峰腰蒸袖暗

雨迴澗口度荷香三江縹緲千村抱百雉嵯峨萬里光
為愛公餘酬共適非關滯久薄淮陽

四門嵩

林春茂

鬱鬱葱葱野氣開峻層花石擁仙臺攀躋始覺非人境
色界渾空累劫灰鐘乳低垂凝瑰玉洞門四望淨氛埃
為憐地主多幽興潦倒寧辭酒一盃

達觀樓

層樓百尺倚蒼空筆岫登雲入眼中水接龍門雄百雉

春當燕喜集羣公
交加綠竹浮烟迴
綽約桃花帶雨紅
登眺不辭留夜永
熙然相與醉年豐

冲天崑

縣崑百仞隱奇峰
筇杖穿雲思轉濃
寢石忽看驚伏虎
洞宮何事識髯龍
榕盤絕壁青冥近
竹遍平原翠靄重
回騎已催山色暝
還期烟月坐從容

藍村居

呂文峰

到處名山不盡奇
九天飛傍聽笙吹
峯堯諸殿從空下

縹緲孤峰半壁垂雲壑泉清偏解暑石門芝秀可充飢
山靈原有前生約此日來遊証宿期

天門嵒

石嵒峭拔直千年步入層雲最上巔山啓畫圖境偏勝
崖開寶殿巧通玄三千幻界空成夢百二重關第幾天
青草獨留荒徑在祇應辟穀足春眠

遊鷺翎嵒

夏日登臺尋勝遊偶聞田婦荅吳謳人題往事詩猶在

石乳瓊英香欲浮半榻餘盃携客飲一盤殘局喚童收
民貧賦簡無他事時對娥英一勸酬

古謂娥英崑

遊鶯翎崑次韻

李宗節

暇日追陪陶令遊忽聞野外牧童謳石崑拾翠飛禽宿
古洞埋塵往事浮數著聲殘明月上一絃調動片雲收
祇應對飲過長夏更進村翁頻勸酬

九岐疊翠

黃時秀

次第排空列數岡天然描畫露新芒月來夜滾流珠過

花發春將異錦裝五老峰高還讓美八公山好亦增光
品題經手何如也千古新遺草木芳

宴石仙橋

此地清幽可隱淪丹心碧水鎖閒雲越王聚宴留名久
仙客乘橋勝會頻洞口謾尋當日路石頭空勒漢時文
倦遊不覺金烏墜又對東臯月一輪

幕中諸公邀登逍遙樓

何喬遠

幕府簿書日夜清壺觴賓客聚高城參軍敢道令公喜

從事繇來有酒名桂嶺雲開千嶂立
灘川雨過一江平
莫言傲吏堪蕭散手版明朝有送迎

秋日湘南雜興八首

桂林秋色滿清湘天畔登臺百粵長
南入交州多薏苡
東來海國有扶桑雲游衡祝窺三楚
風馭羅浮限五羊
鴻雁稻粱無信息不知何地望江鄉

堯山舜廟鬱盤紆丹鳥青沙事有無
斑竹暮雲誰鼓瑟
蒼梧明月有啼烏登封自古朝炎服
下瀨何年入戰圖

今日直煩龔渤海令人解犢勸樵蕪

高樓四望瘴烟收
鰓鰓羣山似笋抽
倒挂赤虬知石壁
疊成蒼玉見浮丘
乳牀銀屋開天幻
白酒黃雞散客愁
自入始安多暑雨
最憐衰病起清秋

紀后當年奉至尊
觀津諸竇久無存
據龍有夢終成寵
飛燕何人得共恩
粵國星辰悲未極
秦陵風雨泣長門
八宗漢代推文景
千古周家遜妣嬭

靖江王子帝昆孫
灘水湘山繞殿門
秩比封桐周史禮

事殊羹頡漢皇恩
訾家洲館開茅社
顏守書堂入兔園
春省尚書期不再
挂枝何處可攀援

漢家開府有韓雍
都督山雲後再逢
鐵騎遙清蠻峒穴
銅關永閉日南封
黃茅秋瘴吹朝雨
烏鬼幽篁散暮峰
此日烽烟仍未靖
斯人安得起從容

辟客遙憐李義山
西崑新賦動江關
宋公題壁空多感
柳子誣溪且未還
官散兼無監稅局
村遊時見起虛蠻
惠州蘓軾直堪學
田父黎羹共笑顏

何孝文章一代雄同時又有戴郎中衣冠伏闕憐當日
服食誤生嘆此公賈誼并智乾宿雨羅含宅在老秋風
古來賢達今猶爾懶慢無心問塞翁

劉懋學蒼梧郡齋得君字

哀蟬落葉總難聞失路悲歡復見君握管未忘金虎署
題詩還共鬱林雲同時諸子音書隔信宿孤城愁夢分
今夜郡齋齋裏月幾能流影伴江濱

發舟東下懋學追餞江潯因與登塔賦詩得邊字

襖被秋齋已共眠
河梁追餞一淒然
還登湧塔青霄外
更聽風鈴白日邊
濁浪谿聲來象徼
大荒海氣入龍編
明朝總作孤雲別
誰復江門繫酒船

寄廣右朱用晦方伯兼懷舊蒼梧守劉懋學

詞賦何人憐楚客
樞衡久矣屬卿才
題詩舊省真如夢
問訊如公肯易裁
獨秀城中瞻四獄
逍遙樓上望三台
蒼梧父老應相見
峴首于今合有臺

秋日同葉以貴參知遊都嶠洞
蘓濬

杖屨相將物外遊
洞宮縹緲不勝秋
天漿永夜涓涓急
野徑無人色色幽
掃盡松苔雙鶴下
飛來雞犬白雲留
行行水際長回首
四面峰光到客舟

古洞蕭疎白日陰
半空人語落飛岑
千層轉壑龍宮杳
一徑穿雲鳥道深
樽酒欲迷花片片
羽衣空鎖露沉沉
歸舟猶夢峰頭宿
把臂何時更入林

泛舟遊還珠洞賦得赤水玄珠

為愛山中積翠重
故人樽酒且從容
空波不繫磯頭艇

返照欲浮水面峰漠漠玄宮窺罔象悠悠滄海探驪龍
灘江遙望滄洲邈不覺嬋娟出古松

潯江舟中漫興兼懷孫使君

老去衝寒長為客此生到處即是家江入斷山雙雙出
雲暗孤村故故斜原陵舉目風景異鷗鷺狎人野興賒
却憶署中開三逕何時共醉東籬花

嶺外雲飛忽復罷冬流日低一尺強孤槎長隨天上下
巨石多在水平中央貪弄漁舟來還往借問酒家醒迺狂

屈指蒼梧僅幾許，遙看斜照入高陽。

閱江亭落成，孫使君邀同洪參戎裴都閫燕集。

江干古榭荒涼甚，閒剪江雲覆草亭。
近水斜烟低晚照，斷峰過雨變丹青。
携來桑酒春相問，唱入滄浪我獨醒。
白鶴玄猿俱是夢，坐看漁火出沙汀。

送薛履章赴粵西藩幕

葉向高

黃花如綬映秋深，尊酒西風起別吟。
官薄且依薇作署，地偏還喜桂為林。
交情中歲多萍散，宦況清時只陸沉。

不信衡南無雁到尺書還擬寄同心

送周丞之粵西

匹馬朝來別建章蒼梧雲盡楚天長十年宦況看如水
雙鬢春風已有霜草色全消邊地瘴松陰高散晚衙涼
公庭到日全無事獨傍琴尊醉不妨

送董海門之廣西

薊門風雨正深秋開盡黃花賦遠遊雁去長天頻騁望
雲連故國迴生愁一官猶捧蠻方檄萬里初乘潞水舟

莫向清時嗟宦跡伏波銅柱至今留

金門生計愧沉浮汝去炎方亦壯遊天外寒旌看桂水
馬前荒壘即交州帷褰赤峽晴嵐擁春到黃茅瘴霧收
不為蠻夸勞漢吏由來名姓重遐陬

珠巖

黃文炳

靈巖迢遞枕城東下馬雲扉萬慮空草長人間新歲月
丹藏石室古崆峒千山忽過欒巴雨四座盡驚滿奮風
地僻同官皆坐嘯烟霞粗慰酒盃中

白石洞天

龍國祿

矗立雙峰勢欲騰
斗杓南指白雲層
幽崑崙穿勾漏
蹬道嵯峨掛碧藤
琪樹銜花巢野鶴
丹砂煉影駐山僧
放參趺坐長松下
柯爛渾忘代幾興

羅叢崑崙

平原突出玉芙蓉
洞壑陰森薜荔封
石髓貫珠連個個
崑頭線月碧溶溶
憑將蠟炬探幽鹿
為道深潭有伏龍
澗底溪聲如可讀
徘徊賢蹟是吾宗

南津古渡

剡木為舟鬱水濱
武陵清唱四時春
朝朝負米聽雞客
處處停鞭飲馬人
烟雨不辭歸路滑
晚風吹徹趁墟塵
濯纓向晚孤村酒
明月知誰再問津

銅鼓灘聲

噴峽轟雷破浪開
觀濤疑自廣陵來
微茫乍沸嵇生韻
颯沓翻驚宋玉才
織女秋砧嗟遠道
征人夜泊黯幽懷
滄桑起伏原非偶
神物誰將見碧苔

綠珠祠

羅偉先

洛陽見說畫樓荒遺廟空存古道旁
豔骨自甘酬石氏英魂元不戀他鄉
錦帷寂寞鸞聲斷華表淒清鶴夢長
誰謂紅顏多薄命古來奇節幾流芳

西山晚照

楊大節

芙蓉羅列郡城西掩映桑榆樹影低
鏡裏汀洲殘照出空中樓閣暮烟迷
兩江玉浪通舟楫一派金湯息鼓鼙
山客日斜扶醉起羣兒拍手唱銅鞮

東塔迴瀾

雁塔居然據上游，凌空突兀瘴烟收。
瞻依青帝擎天柱，旋轉蒼龍帶月鈎。
挽江河深鎖鑰，氣干星象控山丘。
駸駸累土成功後，何事元龍百尺樓。

北岸漁樵

北城天塹漾晴波，試聽漁樵答問何。
雷澤數畧虞帝少，峽山斤斧買臣多。
朝朝水族供鮮饌，歲歲陽侯薦古柯。
繫艇息肩閒取醉，坐邀江月放長歌。

蓮塘夜雨

松柏池邊菡萏湖愛蓮人到此中無金房露浥連宵雨
玉葉星聯照夜珠香粉陸離沾細荇紅衣零亂蘸平蕪
曾聽幾點蓮花漏猶對華峰十丈簑

晚酌綠珠樓

譚岳

萬井氛銷炎景開納涼還上綠珠臺窮鄉不見豺狼迹
中澤無勞鴻雁哀暑到漫尋河朔侶興來須盡竹林盃
羣工最有登臨興多少風流作賦才

咫尺烟村有綠蘿綠珠家世近如何乾坤不老風流色
松柏偏留冰雪柯天畔雁鴻秋後少野籬萸菊晚來多
滔滔江水東流去遮莫令人歎逝波

水月巖虛

大荒名岫故清幽勝概都從一望收倒影碧波時淡淡
印灣涼月夜悠悠風生碕道渾無暑氣入蓬壺迴似秋
便擬凌雲棄吾土追隨驂馭問圓洲

削壁凌空四望奇一峰橫翠浸寒漪渾疑竺國三天現

絕勝瑤臺萬象垂素魄流輝時隱映亂雲藏穴轉逶迤
羊何舊好偏能賦不共流霞泛羽卮

行春綠珠村

勝日探春春事忙翩翩遊騎繫垂楊綠珠古渡空流水
白野人家半夕陽十里桑麻供露冕九岐雲氣入傳觴
重來此地多懷古回首酣歌興欲狂

溫泉

筍乘聯鑣信所之溫泉寧讓習家池千山脈絡穿微溜

百折瀟洄入漢陂引目嵐烟疑列障當筵賓從足彈詩
地靈故是多人傑猶笑山公醉後時

綠珠祠

陳子壯

逝水徒傳金谷園荒山誰識綠蘿村生辭故井難銷艷
命薄高樓敢負恩燕子頻來多戀主杜鵑啼斷為招魂
憑君一和懊儂曲自有人將孤笛翻

燕窩

莫魯

步入崑虛竹迳深樵歌驚燕度疎林溪寒石鼎丹砂淨

洞隱禪砧碧露侵訪跡謾追他日意求仙應負百年心
桃源聞道迷劉阮歸路疑從此處尋

題馬援宮

堯愷

郡城南下伏波營漢將奇勲不朽名銅柱界中蠻瘴掃
石壇天外晚霞明旌旗絕影月留白戎馬無聲草自青
夜半忽聞風雨作儼然遺令在邊庭

幽洞石鐘

勝境深長四壁空遊人爭羨小崆峒鐘聲上接烟霞近

月影斜穿道路通靈谷肯隨猿鶴變仙源不與世情同
夜來暫借西崑宿遠放神光射斗紅

白州弔古

雙角山前路轉危停鞭遙問採樵兒石家金谷知安在
梁女明珠竟可悲野水荒村無客到清風高節有人思
我來弔古空惆悵獨立西崑盼落暉

題綠珠渡

何挺之

綠珠今去幾千載此地猶存并渡名不是紅顏偏薄福

祇緣白壁解藏兵
落花難鑄長生帶
啼鳥空悲短命聲
杳杳香魂無覓處
夕陽回首萬山青

蛇岡挹翠

謝嵩

諸峰雲擁自飛來
天造龔城列障開
黛色四時含獨秀
洪崖千古壯三台
曾瞻鳳彩翔高漢
何論蛇黃產異材
暫借闢疆為地主
品題勝槩入新城

黃子吉詔起西粵
左轄過訪小園索詩為別因賦
以壯其行

張萱

捫蝨深談夜色闌
巴川粵海未安瀾
老臣臥穩東山枕
聖主恩深北闕環
豈為屏藩銅柱界
請看京觀點蒼山

子吉平滇苗功最大亦最奇

九重宵旰君應念
何日昇平慰聖顏

出守慶遠別同署

岳和聲

時富平孫太宰修家
孟十七年前疏糾乙未外察之
隙爰及同被一麾瘴鄉

三入容臺十二年相
看不改舊青氍毹
一麾春遠香蘭署
萬里秋開瘴雨天
醫國謾言勞肘後
程材真是魏牀前

出門馬骨猶如昨相送官槐樹樹鮮

送岳石梁省丈一麾慶遠

賈之鳳

仙郎何事厭承明萬里宜州擁去旌
蘭省香霏三月雨胥江帆帶九溪聲
當年起草時名忌今日褰帷報主情
無那故人驚判袂酒闌別館聽鶯鳴

岳石梁儀部之粵次來韻錄贈

劉國縉

霜餘亭亭耐歲寒幾人起就月中看
秦文羅織誰能白岳氏心肝自合丹
我去無生惟問酒君行有路且彈冠

昌黎未道潮陽遠猶恐君恩報塞難

送岳爾律儀部出守慶遠

米雲卿

桂林山勢可連吳百越天遙皎月孤
宗伯南宮司禮樂使君西徼盡輿圖
知名聖世遭逢異論地人心感慨無
莫學仲尼憂道否便言東海好乘桴

金章初下若為頒五馬雙旌鎮百蠻
楊柳曲中斟別酒梅花香裏出鄉關
絃歌旁化交州俗篇什全收粵地山
計日循良應召對朝廷重喜禮臣還

岳爾律以容臺積俸六年出守慶遠錄送四律

李應徵

一麾豈是厭承明帝謂遐荒亦股肱路入蠻烟凌八桂
心依庭樹夢三荆儘教北闕浮雲幻從此南天瘴癘清
萬里層霄元自近春風隨處傍君行

褰帷遙指九疑青去國憂心尚未醒出牧豈真同逐客
綏氓猶自借文星雁當斷處開衡岳春漸深時過洞庭
太守風流千古在雲山韶濩正堪聽

烟嵐釀雨五溪深
洞壑幽遐豈易尋
天外空青隨去馬
雲間翡翠有來禽
參軍趨府多蠻語
兄弟思君正越吟
伐木也知同夢草
嚶鳴何地不春林

東風乍拂柳條舒
春水春帆別恨初
縱是瘴鄉無塞雁
莫教江路斷河魚
熱雲漫墜含沙後
夜月猶懸視草餘
容易賜環明主事
羨君偏擁百城書

爾律先生之官粵西奉送三律

沈德符

廿載清曹剖郡符
傳聞粵嶠太崎嶇
已知毒霧終朝有

較似浮雲蔽日無蜚戶
馬人謠宦蹟蛇羹鷓鴣
醬餉官厨
灘江定有追鋒名不擬
浮湘憶左徒

蛾眉漢輦幾人同
外補真緣妬入宮
久矣文章能作祟
乍聞羅織近成風
賦狙已笑時人拙
談虎翻疑世局工
水意山情饒部內
未甘五馬換三公

朱方自昔寓名賢
驛路寧辭路八千
朝事玄黃龍戰野
炎方青白瘴連天
風騷盛播銅標外
光怪都收海市邊
臺閣異時論勝槩
畫屏追指應山川

送岳老師出守慶郡

駱雲程

鸞驂西指入衡雲
刺郡重看咏五君
巧嫉蛾眉當蛾射
難馴龍性在鷄羣
鐵城政就春應滿
銅柱威先瘴欲分
好壓荔漿千石酒
登高一誦岫嶠文

隱山

曹佐

秋空萬里瘴金消
郭外藍輿興轉饒
六洞恍如三島洞
雙橋元是百花橋
山光返照依天柱
野籟橫吹應玉簫
白鹿仙人曾約我
公餘最好避煩囂

送楊義叔憲副之左江

區大相

三年暫返滇池節萬里仍揚桂水旌漢使由來多象郡
越江何處似羊城褰帷未厭關山遠開府能令瘴癘清

正喜遐方無戰伐不勞溪笛怨南征

公初令東甌由御史僉憲浙江參議

雲南憲副廣右皆越地也

夏日錢直指招飲白龍洞晚過劉仙崑

楊芳

暫解塵紛出隴頭主人為卜洞天幽雲浮遠水光初合

雨過空山暑乍收
澗底龍涎疑尚在
崑前仙迹信還留
停盃往復談今古
不謂寰中有此丘

予鈎校至潯時已近午節署階前列菊二盆開花
甚盛詢之云郝學博齋頭數十盆獨此二盆忽
花非常種也異之為賦一詩 魏 濬

五月能開九月花
最憐炎日有寒葩
閒看籬槿休爭麗
靜伴畦蘭併茁芽
傍節未須愁泛酒
落英還取弔懷沙
從來仙種多靈幻
不與人間管歲華

余初行部自梧之邕道橫永間墟集皆無草舍值
雨就雨中貿易蓋所創見因作詩

箬簾雙放龍頭安却坐林邊解竹簟
椶葉結衣宜避濕
青紗裹額不憂寒
萋根對語時還嚼
車騎來過亦聚觀
此去茅村應未遠
滿蹊溼勒翠團團

迂迴崑逕轉嵯峨
笑問蠻家第幾窠
入市每衣芒屨布
出門時唱浪花歌
峒丁慣苦織狐矢
種女能拋織貝梭
墟散盡投歸路去
斷烟半隴冒荒蘿

寄粵西楊濟寰中丞四首

何 白

象郡龍城漲海遥，中丞羽纛切雲霄。
已看弁服來槃瓠，載見朱干格有苗。
雨合灘江兵乍洗，風生桂嶺瘴初消。
只今麟閣論功日，鵲印駢弓出漢朝。

蒼梧南去嶺雲低，萬騎天開甲帳齊。
楊僕樓船炎海外，伏波銅柱夜郎西。
材官一半分朱雀，甲士三千擐水犀。
不用記曹煩阮瑀，捷書立馬待親題。

益部家聲起譽髦，關西夫子舊人豪。
洪源地挾巴江動，

井絡天垂玉壘高
法契孫吳參變化
賦含揚馬合風騷
桂林洞壑饒靈閼
緩帶時堪命紫毫

夕郎諫草動明光
還憶提兵領晉陽
折柳行歌飲馬窟
采薇載賦跼爲鄉
筇枝蒟醬通蠻徼
翠羽明珠貢越裳
勲業未須輕陸賈
猶堪舌下粵南王

送蕭玄圃宮贊還嶺西

郭正域

鶴禁譚經共四年
不堪歸興各幡然
君從百粵明仙棹
我向三湘問釣船
世故紛紜真野馬
海邊消息正烽烟

還家若話中朝事莫忘東華五鼓天

送蘓子仁守南寧

潘益之

才人今復作循良聖主分符澤未央
邊塞陸梁秦象郡興圖文物漢炎荒
本因前席奇蘓綽自是中原急范滂
經制知君勲業起不須回首白龍塘

送劉司理平樂

湯顯祖

四百灘瀧萬里遙莫雲官興遠蕭蕭
靈蛇入饌看成怯翠鳥吟笙久自調
過雨竹衫高白醪終風草閣亞紅蕉

休驚少婦啼珠盡留與猩猩血比嬌

牛首飲林尉平將出守南寧即贈

寺湧烟花滿石梯還留春閨與攀携
端居玄武湖心北出守蒼梧雲氣西
月上芳林人去遠霧迷銅柱鳥飛低
心悲道暍南行日江嶠籠晴挂飲霓

送岳石梁之任西粵

汝兄顏髮舊蕭然十五從君計吏年
世事始知棋局淺悲歌金賴唾壺堅
春光老去碧湘盡瘴雨青來寒燒連

欲向蒼梧同謁帝一時魂夢九疑烟

夜半傳盃玉茗堂一麾千里寄宜陽登朝積歲遊何薄
失路逢知語自長客興漫隨春草綠臣心真與帝梧蒼
何如獨宿天台上風雨莓苔看石梁

西川學使郭參知渠調西粵

自起移官向越賓一時清論滿朝紳新參古色歸懸鏡
舊士高談憶角巾蒼野獨行雲氣曉桂林閒望洛容春
鬱金美酒須饒作何但風烟老却人

贈邊少微郡守擢廣西憲伯

王應鐘

臬臺新命下周京萬里山川引憲旌翡翠聲中經粵嶠
枕榔葉外見軍城霜橫象郡三苗靜月照龍編八桂清
一臥文園勞記念心隨飛蓋獨含情

義姑恩榮為廣西張納齋題

汗簡曾傳魯義姑桂林名淑事相符矢心不字高門匹
弔影相存一線孤當日絲綸頒秘閣祇今闕閱冠名區
千秋女德誰堪並多媿鬚眉是丈夫

讀龍隱嵩黨籍感賦一律

羅作

元祐由來三百秋，黨人姓氏此間留。
中衰宋室匡攸定，貝錦讒言譖不休。
嵩石堅剛勝竹帛，薜蘿掩覆若金甌。
賢良自是流芳遠，追貶徒勞奸佞謀。

夏日登思陵山避暑

黃之良

西山爽氣石林開，逸興難孤載酒來。
江曲鳳巢雄百粵，山幽龍隱稱蓬萊。
青雲流影奔看駟，踈雨披懷怒聽雷。
薜蘿欲迷歸路晚，憑高懸想大夫才。

遊南山

周邦瑞

南極星槎一洞天，層高石磴掛蘿烟。
虎龍泉溜金成佛，龜鳥砂飛石作仙。
空宇伏游千蝠翼，虛軒寂聽九蟾圓。
宋封景祐增靈氣，御翰流傳壽萬年。

九日陪大參曾公讌城北譙樓

陳熙韶

獵獵金風動角聲，晚隨旌節眺山城。
憑闌敢作登高賦，入座偏多落帽情。
鎖鑰北門秋氣肅，旬宣南國繡江清。
側身丹徼邊塵滿，喜有尊前范老兵。

區几遜明府招遊都嶠

諸峰雲磴倚層霄，仗履過從遠俗囂。
丹鼎未須求葛令，青尊今已對王喬。
西臨匹練三江渺，北枕重關五領遙。
咫尺風霆猶在御，與君還訪赤城標。

閬石鐘英

潯州

譚珪

羣峰突起翠峯崑，高挿青雲若兔毫。
地脈養成龍虎氣，坤靈鍾出鳳凰毛。
百年文運輝東壁，一代英華壓後髦。
自古名賢生不偶，玉堂青史姓名高。

燕石巢雲

亭亭怪石俯江干
歲歲來巢燕子閒
嘴掠花泥桃浪煖
翎梳江雨蓼花寒
只尋舊壘迷荒徑
慣引新雛出石蠻
世變却羞王謝宅
故依中砥障迴瀾

送蔣護軍赴嶺北

劉鳳

樓船初領下江兵
作鼓秋陰嶺介生
古戍烟藏邊月小
長川雲壓罕車輕
晨朝吏士傳開壁
夕引談游恣獵纓
百粵祇今厓廟略
莫教橫海獨垂名

朱方萬里粵峰青
鳥道天旋轂騎輕
飲羽沙中雲共落
淬輪原上草猶腥
誰從鑿空陳兵勢
獨按奇咳制地形
總使梯航來款塞
無忘薄伐罷犁庭

冰井寺次韻

陳鑑

勝地逢人自勝遊
不須瀛海日三丘
宛延旌旆雲間度
綺疊烟花檻外收
抗疏欲焚田錫草
敲詩更上仲宣樓
臨風多少歌休助
霖雨還期傳作舟

播穀催耕海燕忙
瘴天氣色久溫涼
惠文春謁噓寒谷

香積筵開薦玉漿
悟澈虛空纔破幻
遊忘內外始通方
冷然玄度饒清興
解道堯夫未老狂

溫泉

秦之瓊

覓穴尋嵒慣所之
源泉幾見熱流池
飲湯冬日何須火
沸酒水天誌此陂
滴瀝清泉流舊澗
眺登詞客賦新詩
恨移不入繁華地
引動名賢十二時

都嶠山

楊際會

玉削羣峰聳四圍
上方金碧盡含輝
忽聞佛號依雲度

恍見天花帶雨飛最是烟霞堪著屐不禁風木易沾衣
也知世路猶多絆敢謂從今便息機

海上傳聞員嶠島此山應是幻形來丹爐日就千年藥
金界曾飛幾劫灰南洞斷碑埋舊篆北壇荒徑長新苔
白雲縹緲生風籟疑有仙人駕鶴迴

游勾漏洞四首

任淑

昔日人休勾漏山我來勾漏學偷閒崑雲出峪來相迓
墅水盈川何獨慳天上二九拋客歲域中五鼠耗塵寰

幾時的與仙翁約煮汞煎鉛煉大還

日日忙忙盡在公公餘乞假訪仙翁山開丹竈烟常繞
洞達清都路可通牧石成羊儼有像呼龐化鶴渺歸空
玄壇舊令今何適潭月澄澄水發洪

山骨嶙峋直透巔脚跟一竅更玄玄翁來靈洞求非令
洞隱仙翁別是天山澤通而藥物備風雷薄矣火功全
丹砂可借消飢渴細嚼當年內外篇

風塵傲吏幾來過欲往從之在此阿俗態不堪頭面改

宦情其奈鬢鬚何
白雲尚覺煩青障
朱履應知礙綠蘿
拜首真人求秘寶
不勝簫鼓僕夫多

將室朝烟

李宗仁

知機因爾早投戈
萬里封侯只恐訛
破鹵不須誇李廣
薦賢惟見有常何
曉壇霧靄江山潤
教國風清景物和
但得桑榆收晚景
何愁世道日江河

遊都嶠洞

楊際熙

指點名山望裏賒
登臨此日興無涯
林端石徑雲隨陟

空外曇花象不遮
僻境偏多穿蔦蔓
閒身能足臥烟霞
依違恍若塵心洗
好向醫王問法華

都嶠山

凌景陽

山名都嶠宅神仙
萬丈空崑有洞天
象教數尊存白佛
山源一脈引清泉
鶴來雲蓋疑凝雪
僧去香爐尚帶烟
舉目九霄雲路近
昇騰還咏紫芝篇

遊花石洞宿華光寺

張文耀

誰闢招提切上方
玲瓏崑壑隱空王
壇前水月光明相

座外雲烟妙法香入夜松聲清旅夢傍檐花影上禪牀
無涯苦海應消盡莫訝逃名意轉長

遊諸崑

入雲雙嶺萬峰低怪底標名五岳齊縹緲天門飛素練
參差石磴引丹梯將無大藥行堪采似有羣仙望不迷
方外未須凌弱水風塵此地足幽棲

夏日遊水井寺

吳光龍

瀟湘分折大江隈古寺深藏小徑迴白馬經函開石室

黃梅雨過遍蒼苔香供瓶水冰凝梵錫卓雲林玉作臺
却証前因身是佛還從摩詰問如來

題白馬崑

吳紹經

冉冉烟霞地敞靈雲門石竇透陽明鼎湖騰向龍馴毒
華表飛來鶴姓丁歲久苔痕添古篆谷空傳响影黃庭
留題姓字知王績今古尋芳一勒名

塔山寺

謝君惠

上方淨界漫登臨鍾梵臨風隔竹陰日漾霞光金粟影

峰含雨色海潮音香城祇樹銷塵劫化塔天花證息心
僧是了元龍象侶還為留帶鎮雙林

遊冲天巖

危巖古洞靜虛天鳥道盤紆到絕顛路挿重雲半險阻
泉鳴暗壁自潺湲怪猿啼遍無窮境神鶴飛來不記年
呼吸有人通帝座徘徊身傍斗牛邊

嘉魚古井 潯州

李知微

玉澗城西隱翠微深涵宇宙漾連漪南洲蛟室燈光近

東海蜃樓夜影隨陰透嘉鱗來丙穴春回巨鬣上天池
于今得志遨遊日莫笑蛙潛井底時

東嶠化人

當年羽化上蓬瀛遺世空留身後名隻影日隨知畧刻
孤根時潤識陰晴不同神女行雲雨祇與嫦娥結歲盟
試看東山明月夜瘦容長短共歌傾

神機潮水

一泓泉水蟄馮夷感應靈通妙莫窺消長徧時常出沒

屈伸還共月盈虧蟠旋地脈看無迹
幹運天功信有期
每歲為民驅旱魃
剗牛燒紙拜江湄

政績名泉

碧甕深涵海眼通
一泓澄澈漫晴空
照人清鑑如泉潔
濟世恩波似海弘
千載甘棠思召父
萬年禮樂慕周公
烹調此日回飢渴
為感民間仰德風

紫水霧源

地脈流霞世不常
幾回湧出協和祥
殷紅色膩脂重

輕艷香飄羅帶長
已兆雲衢多俊彥
復昭花縣有循良
時人不信觀河洛
清應文明世運昌

南山石佛

洞宇南關紫水邊
石鰲駕海擁金仙
枯形立化依丹室
跣足乘雲踏白蓮
法鉢不傳身後事
慈燈常照鷲峰前
自從開闢來
禪定不管人間幾萬年

星墜金牛

天星飛影墜塵寰
化作金牛壯北山
瘦骨長眠春草綠

焦皮恒帶火痕斑不同蠹類居人世祇與吾民濟歲艱
旱澇有求須有應至今廟食在民間

孝思甘露

四松手植已成林車蓋幢旛傍午陰鮮浥瓊漿呈漢蜜
暗和天酒表隋醞枝頭湛湛光垂玉墓畔灩灩色化金
借問彼蒼焉得動祇緣香慰孝親心

送詹東圖別駕之任昭州

汪元英

粵西西去駕朱轅半刺新承簡擢恩宦路驂淹才久屈

藝林鸞跼望逾尊天迴桂嶺消烟瘴秋入灘江滿月痕
南首蒼梧應只尺排雲直欲叫重閭

王程不畏觸炎沙佩有虔刀勝莫耶雨澤即將蘓百粵
風流早為振三巴行詢方俗占雞骨坐閱輿圖制犬牙
司馬由來工作賦綵毫新草關瑤華

石掩仙嵒

鍾 珍

一從仙子赴陽臺靈迹丘墟盡綠苔藥竈火寒千古在
崑門石掩幾時開黃庭匣鎖雲常護瑤草春香鶴未回

却笑當年方外士數年海上有蓬萊

題白馬崑

龐思

青山鶴唳紫芝香白馬禪宮石竇涼
臺殿半荒閒白晝崑崙斜掩對滄浪
玉英潤滴凝雲磴丹粉年深染石牀
天地自然生此界神仙踪迹幾星霜

游鐵城

莫相

天外孤城紫翠間紛紛冠蓋共躋攀
千年遺迹憑誰問百歲浮生此日閒
興到那辭詩句拙豪來翻笑化工慳

勝游恐負雙蓬鬢也插嵩花一朵還

張義姑

凌必正

從來偉節立孤難閨閣程嬰智力殫甘謝桃夭百歲好
苦扶棠棣一枝殘母慈父教皆姑任祖德孫謀藉女完
慶衍宮花幾半壁問誰風雨護巢安

九日湘寺登高

舒弘志

何處開尊四望賒翠微深處老僧家九疑如黛疑秋色
八桂飄香襯晚霞雁陣恰排天上字菊香初獻佛前花

百年幾遂登臨興
醉把茱萸憶孟嘉

送茂承藩端之粵西

焦炫

幾年簪筆漢京秋
八桂翻為汗漫遊
豈謂鶯花多異候
絕憐山水勝中州
薇堂載酒榕陰合
風洞吟詩片月流
應似昔人成二始
還都芳詠至今留

湘山小館即事

曹學程

漫向東林借一枝
無邊光景坐來移
風清桂苑黃金樹
霧冷蓮房白玉池
十地松雲堪入賦
五天花雨恰催詩

同人永日清歡洽還愛虛窓月上時

送方定之憲副督學廣西二首

汪淮

文章魏闕久知名四牡駢駢欲抗旌南國衣冠思結襪
西方人士待持衡龍門灘上雲雷動天柱峰頭星斗明
去去關河休憚遠馬融絳帳有門生

聞道逍遙百尺樓西南十二攬名州高臨雍楚山平出
雄壓湘灘江倒流捲幔論文虹氣現凭欄望闕斗光浮
桂林夜月如相憶白石清溪一釣舟

題鐵樓

雄樓百尺鎮蒼梧周覽山光忽有無
龍水一天涵秀色鬱林千載擁真圖
閒居長自同仙侶作賦還誰稱大夫
借問樓中餘鐵遂幾時吹徹月輪孤

石頭城送克政家兄西粵携室

程可中

燭跋頻藏酒盎乾江城梅雨對宵殘
桂花飄馥生秋瘴荔子流甘沁夏寒
天遠故園飛鳥少時危小吏見才難
幕中妻子歸應急怕作流離道路看

蒼梧道中攬鏡獨歎蓋余風塵荏苒一十五載矣

王士性

曾無大藥駐朱顏
華髮星星鏡裏還
修竹拂痕悲玉輦
西風捲擗下烏蠻
三湘水遶龍蛇窟
五嶺塵迷虎豹關
萬里勞生猶未厭
遙從馬首覓青山

登來薰樓

張元芳

共倚高樓望大荒
江城草樹鬱蒼蒼
雲連白石應飛雪
日射丹楓幾著霜
燒野漢存成故習
阜財今古誦彝章

聖人乍起綏中國
嶺海波澄幸不揚

冬日邀米彥伯胡仁甫趙光掄滕伯倫張錫仲遊

西山六洞

舊有千山觀

曹學佺

昔年崑下即湖光
此日收成見滌場
觀倚千山朝羽節
人穿六洞濕霓裳
石窓脩竹搖清影
潭壑佳蓮發異香
誰負明時招隱客
依然龍臥在高岡

送人之蒼梧

徐勣

一身南去入蒼梧
聽得蠻音處處殊
翡翠晚寒巢灌木

蚺蛇春暖晒平蕪古祠舊淚枯斑竹廢井香魂怨綠珠
四月火山丹荔熟輕紅能似故園無

送凌元孚司馬擢粵西太平郡守

廉范歌聲滿歙溪雙旌遙向桂林西虎符雄握諸蠻化
熊軾高憑五馬嘶兵邏峒酋防夜警刀耕山壠勸春犁
黃堂吏散刑書簡月照枕榔翠羽啼

節鉞西行象郡賒褰帷閒看刺桐花匏笙吹月春驅騎
銅鼓闐雲早放衙地過鬱林裝怪石洞經勾漏覓丹砂

朱輪奕世承恩寵不忝當年萬石家

送陳軒伯之粵西

漂零千里去何之路遠還家未有期
雲黯蒼梧孤客館雨昏斑竹二妃祠
春深草密蛩蛇伏日午嵐消蛤蚧悲
勾漏仙蹤知尚在丹砂慎莫寄來遲

送趙淇竹都閩擢粵西參將

西拂旌霓桂嶺寒轅門號令肅材官
秋槓銅鼓擒蠻壘夜枕金戈臥將壇
緩帶輕裘荒外去陰符黃石帳中看

折衝尊俎推年少不比征南老據鞍

送黃與東之任南寧司理

伍瑞隆

即看真氣又臨關六傳風雲不可攀積瘴望中銅柱日
亂峰明處朗寧山相才豈賴能淹驥蛇笏推寧自一班
遲過崑崙重懷古知君坡上望仙還

周仲先之粵西參藩相送前路賦詩為別凡得四
首

張燮

寸心報國未曾移澹蕩隨緣任所之久謝三秦拚繡斧

新從百粵控朱旗名流碩果輿還得藻苑芳蕤佩自披
寄語朝簪憑解妬漢官應已憶娥眉

一時大雅盡扶輪照乘珠明擅國珍嶺外河山翻勝事
眼前方岳有詞人建牙儀自同開府問俗游仍是採真
唐帝祠邊多待澤仗君慰此一方民

負矢郊原吏莫尋平明曉發過峰陰向來白簡風霜肅
今去蒼生雨露深玉作壺時芝署石金飄粟處桂名林
黑頭公望還須拜攬鏡鬢髮不受侵

里門伐木慣丁丁
臨水登山却送行
為趣蟠雲龍尾隔
偏因並轡馬蹄輕
疎林樹色盤秋老
古驛禽言報晚晴
前路茫茫分去住
且將尊酒叙平生

送王郡幕之廣右

黃惟楫

弓裘美爾業能存
江左衣冠幾葉孫
此日姓名連畫省
他年聲價起朱幡
炎方織杼皆民力
蠻府參軍亦主恩
行矣風塵莫辭遠
驅車九折見王尊

送葉校官擢判梧州

鳴騶慷慨賦河梁佩有虔刀氣自揚匹驥旋當舒健足
三魚曾報集華堂薰風攜李吹征旆雲影蒼梧迓去檣
佐牧知君才不忝定將文教變遐荒

送王夢叟從張揚伯之官粵西

范鳳翼

為憂竒探百粵遙炎天同上使臣輶
獐夷賣劍宵畊隴
洞女裁藤旦織綃猿狖啼愁蠻雨暗檳榔入市瘴烟銷
名花語鳥堪遙集好寄南珠慰寂寥

張揚伯之任粵西途中以詩見寄聞諸夸蠹動次

韻答之

莫妒家山占白狼時情勘破且徜徉夢中蝴蝶亦何幻
壺裏光陰如許長西顧愁他猶跋扈南園快爾正飛揚
晝遊何日重相訪元琰蔬畦一逕荒

江上送張揚伯憲副繇楚之粵西任

阮大鍼

槎邊楓色映江臯酌酒為酌魂夢勞素影盃流天柱月
秋聲句挾廣陵濤仙樓舊蹟能招鶴徭峒新傳欲旅焚

枝戟百蠻羅拜畢憑君痛飲讀離騷

清秋驛路繞瀟湘畫隼遙迎嶺桂香
鄂渚尚傳棠滿樹庾樓莫負月盈牀
雖林賈識詞人墨象郡氛銷法吏霜
聞說椰漿堪釀酒可分升榼到江鄉

寄訊張揚伯憲副粵西

霜落灘江水更清烟林幾曲度鴻聲
間招蠻長詢風俗遍鑿星嵒注姓名
虎落燈深聞夜織蠻人魚罷理刀耕
伏波銅柱今荒草扼塞須君五字城

送嘉定楊主簿陞廣西府經歷

張名由

祖帳驪歌花滿城
倏然書劍去舟輕
三湘烟水千崑雨
五管雲山萬里程
最喜啼鶯榕樹古
還憐棲鳳枳枝清
此中民隱難能悉
借寇無由淚暗傾

蔣孺人貞節詩

蕪靖州妻

李盤

官人戰歿又無孤
涕淚嗟同萬骨枯
老去鸞光秋入閣
愁餘鶴淚冷歸梧
釵荆長掩青廬色
庭樹空聞高蓋呼
二百年來稱刺史
忠貞雙照粵西隅

送吳巒稱司理桂林

陳子龍

翡翠巢邊匹馬過，千盤桂嶺鬱嵯峨。
南浮灘水啼猿滿，北望君山落鴈多。
巒府官閒能作賦，漢廷恩近憶鳴珂。
愁心獨繫張平子，欲寄琅玕奈遠何。

送何白石之粵西始安桂平諸郡訪友

顧德基

翼軫星遥度，粵關鴈飛只到半途間。
灘江源遠稀雙鯉，桂嶺嵐開俯百蠻。
去定諸侯徵綵筆，歸將奇貨買名山。

知君要學輕身術試載文淵薏苡還

戒途莫畏履嚴霜臘月炎州正葛裳驛路草青延壽果
山村樹暗救軍糧布帆桂水連湘水馬足衡陽上揭陽
酒伴無時忘陸賈望歸還醉橐中裝

三江鎮

董應揚

迢遞三江水聚頭獨開雄鎮擁貔貅城圍睥睨傍通徑
府構鬼峨坐運籌文武更番憑要害歲時無刻不綢繆
如何烽靖人蹤寂蛛網高牙草滿樓


鳳巢山

相傳威鳳巢山垓巢山掘得瑯玕回靈鳥不知何地伏
奇珍應足待時開干旄偶遇探陳跡歲月多驚總劫灰
共道舜文今在御九苞六象盼重來

胡天星邀余作白妾魚膾

鄭露

獨尋芳草過王孫為膾銀絲出露盆湯煨玉環妃子淚
樓殘金谷綠珠魂凌波豈復觀微步齒劍終然合報恩
誰識蒯緱歸思苦不堪彈鋏向朱門



粵西詩載卷十九

欽定四庫全書

集部

粵西詩載卷二十一

詳校官庶吉士臣瑚圖禮

主事銜臣徐以坤覆勘

總校官庶吉士臣朱 銓

校對官庶吉士臣吳裕德

謄錄監生臣何茹連

欽定四庫全書

粵西詩載卷二十

桂林府通判汪森編

五言律

下桂江龍目灘

唐
宋之問

停午出灘險輕舟容易前
峰攢入雲樹崖噴落江泉
巨石潛山怪深篁隱洞仙
鳥遊溪寂寂猿嘯嶺娟娟
揮袂日凡幾我行途已千
暝投蒼梧郡愁枕白雲眠

發藤州

朝夕苦遄征，孤魂常自驚。
泛舟依島泊，投館聽猿鳴。
石髮緣溪蔓，林衣拂地輕。
雲峰刻不似，苔壁畫難成。
露挹千花氣，泉和萬籟聲。
攀幽紅處歇，躋險綠中行。
戀切芝蘭砌，悲纏松柏塋。
丹心江北死，白髮嶺南生。
魑魅天邊國，窮愁海外情。
勞歌意無限，冷月為誰明。

軍師凱旋自邕州順流舟中

李 嶠

鳴鞞入嶂口，汎舸歷川湄。
尚想江陵陣，猶疑下瀨師。
岸

廻帆影疾風逆鼓聲遲萍葉沾蘭槩林花拂桂旗弓鳴
蒼隼落劒動白猿悲芳樹吟羗管幽篴入楚詞全軍多
勝策無戰在明時寄謝山東妙長纓徒自欺

送蘇四郎僉兵曹適桂州

杜甫

飄飄蘇氏子六印佩何遲早作諸侯客兼工古體詩爾
賢埋照久余病長年悲盧綰須征日樓蘭要斬時春陽
初盛動王化久磷緇為入蒼梧廟看雲哭九疑

贈元容州

劉長卿

擁旌臨合浦上印卧長沙海徼長無戍湘山獨種畬政
傳通歲貢才惜過年華萬里依孤劍千峰寄一家累徵
期旦暮未起戀烟霞避世歌芝草休官醉菊花舊遊如
夢裏此別是天涯何事滄波上漂漂逐海槎

送張中丞之桂林

錢起

出守救民瘼推賢動聖情紫臺初下詔皂蓋始專城寵
借飛霜簡威加却月營雲衢降五馬桂水引雙旌夙仰
敦詩禮嘗聞偃甲兵戍樓雲外靜訟閣竹間清化佇還

珠美心將片玉貞
冠恂朝望重計日謁承明

逢南中使寄嶺外故人

盧綸

見說南來處蒼梧接桂林
過秋天更暖遶海日長陰
巴路緣雲出蠻鄉入洞深信回
人自老夢到月應沉碧水
通春色青山寄遠心
炎方難久客為爾一沾襟

上桂州李大夫

戎昱

今日辭門館情將衆別殊
感深翻有淚仁過曲憐愚
晚鏡傷秋鬢晴寒切病軀
烟霞萬里濶宇宙一身迂
倚馬

才寧有登龍意豈無唯於方寸內暗貯報恩珠

自桂林奉使江陵途中感懷寄獻尚書

李商隱

下客依蓮幕明公念竹林

自注公與江陵相國韶叙叔姪

縱然膺使命

何以奉徽音投刺雖傷晚酬恩豈在今
迎來新瑣闥從到碧瑤岑水勢初如海
天文始識參固慙非賈誼唯恐後陳琳
前席驚虛辱華樽許細斟尚憐秦瘡苦
不遣楚醪沉既載從戎筆仍披選勝襟
瀧通伏波柱簾對有虞

琴宅與嚴城接門藏別岫深閣涼松冉冉堂靜桂森森
社內容周續鄉中保展禽白衣居士訪烏帽逸人尋佞
佛將成縛耽書或類淫長懷五穀贖終著九州箴良訊
封鴛綺餘光借玳簪張衡愁浩浩沈約瘦惜惜蘆白疑
粘鬢楓丹欲照心歸期無雁報旅抱有猿侵短日安能
駐低雲只有陰亂鴉衝曉網寒女簇遙碁東道違寧久
西園望不禁江生魂黯黯泉客淚泫泫逸翰應藏法高
辭肯浪吟數須傳庾翼莫獨與盧諶假寐憑書簾哀吟

叩劍鐔未嘗貪偃息那復議登臨
彼美迴清鏡其誰受曲針人皆向
燕路無乃費黃金

湘川弔舜

馬戴

伊予生好古弔舜蒼梧間
白日坐將沒遊波凝不還
九疑雲動影曠野竹成班
鴈集蒹葭渚猿啼霧露山
南風吹早恨瑤瑟怨長閒
元化誰能問天門恨久關

送曹鄴吏部歸桂林

鄭谷

高名向已求古韻古無儔
風月拋蘭省江山復桂州
賢

人知止足晚歲便歸休雲鶴深相待公卿不久留滿朝
張祖席半路上仙舟篋重藏吳畫茶新換越甌郡迎紅
燭宴寺宿翠嵐樓觸目成幽興全家是勝游蓬聲漁叟
雨葦色鷺鷥秋久別郊園改將歸巷里修桑麻勝祿食
節序免鄉愁陽朔花盈棹崇賢葉滿溝席春歡促膝簷
日暖梳頭道暢應為蝶時來必問牛終朝飡庶品味爽
漱寒流議在歸羣望情能戀自由小生誠淺拙早歲便
依投夏課每垂獎雪天常見憂遠招陪宿直首薦向公

侯攀送偏揮洒龍鍾志未酬

秘閣王校理知柳州

宋楊億

南越尉陀國羅池子厚神桂林驅傳遠芸閣解嘲頻行
橐黃金滿歸程皂蓋新一麾愁度嶺五綵喜寧親薏苡
偏防疾蒲蘆善化人蓬山直廬在几硯日生塵

送李著作知柳州

李觀

到官十五月大半在他邦惠術未施一公心無與雙剖
符新使粵盡室始浮江地理將分嶺行程即下瀧旅愁

侵酒座秋色漏船窓屬吏誰非懾羣蠻不易降人稀財
豈厚俗異性多憊自此觀賢業洪鍾且試撞

膏澤峰

陶弼

石壁含天澤南山第一重旱時先出雨陰穴必藏龍雲
影搖諸壑雷聲起半空滲成泉脉大滴出土膏濃溝洫
施仁澤民誰帶戚容何當大滂沛盡活四方農

華景洞

呂愿中

斯洞名華景纍纍乳石懸虛崖疑月窟絕頂瞰江湍巖

底金仙寺峰頭玉井蓮地形居衆外氣象偉無前徙杖
觀初月歸輿觸暝烟蔽林排翠幄封徑簇花鈿爽致資
清賞鐫題記昔年猿啼聲應谷雲破月侵筵策蹇追華
駟鳴鶻指墮鳶誰人能畫此為倩老龍眠

礪巖一首

孫覲

日上千峰亂風涵萬壑秋兩崖拆天罅一水漲巖幽絕
岸飛橋過尋源秉炬遊倚空翹翠葆漱石走蒼蚪老樹
攙天立犇雲接地流壯懷開浩蕩病骨聳颼颼皓首殊

方去清樽盡日留無人與說似勝事滿南州

仙李洞

劉牧

諫紙空箱後高牙拂斷霓還符翠州夢來見石門題架
竹生新逕誅茆得舊蹊陰崖走別洞陽嶺帶回溪吟桂
人非隱逢花客自迷虛中曾納受絕壁阻攀躋地遠饒
征戍君來息鼓輦吏閒眠麋鹿民樂戲鳬鷺勝事時相
遇芳樽手屢携清風與詩句留與昔賢齊

游南山

元俞 拈

二十四峰尖參差列郡南半空摩梵宇絕頂寄僧龕峭
壁編危棧平田聳碧簷巖呈星斗七石湧佛身三人透
龍門上書疑禹穴探銀鈎千軸麗鐘乳百年甘木杪浮
朱閣烟開露草菴仰頭瞻抱朴側足禮瞿曇洞潔無飛
鼠泉深貯嫩藍夕陽歸北郭回首白雲慙

贈臧魯山廉訪

王士熙

肅政光華遠清臺啓擬公節移梅嶺北輶發桂江東楮
帳節寒月椰杯鼓朔風瘦童空挾杖貧馬不裝羈徼俗

三年問威名百郡雄星芒誰鎬洛雪色照賓融敷教有
虞廟講經夫子宫端嚴鉏獷戾易直牖倥侗吏猾加咎
竹官貪解印銅冤銷千褐父恩浹萬黃童花繖戲春暖
瓠笙吹歲豐仁蘋苞嫩綠古辣釀輕紅象跡烟中堞鯨
波雨外蓬夸珠人有斛粵布我無筒剖決心如水驅馳
鬢已蓬六條方奏最四牡欲歌功為有澄清志遲輸獻
納忠纖雲添衣繡鞭霆亦乘驄楚尾吳頭會三湘七澤
通天文恢翼軫地蓋接潭洪牙纛聯分政旌旗列總戎

驚爭肥似鴈羅搏猛於熊懷璧枉無罪見金忘有躬化
源安溷溷獄市積忽忽大器能繩物先聲已擊蒙道傍
豺果避窟底兔幾空勿珥終凶筆母闕報怨弓左饕并
右粥後種更先種采菊賦歸老愛蓮無極翁理明輕勢
利語妙入盲聾文祖歐陽古詩宗魯直工挽回鉛槧習
超出簿書叢顧盼山須動掄揚石可礮羽儀傾振鷺啄
范徧哀鴻念昔初騰踏時方息戰攻考工崖黯黯試壘
海隴隴赤芾彼三百素絲茲五總穩行卑劒閣善納小

雲夢甲子從頭數冠紳進秩穹階蘭香浣露田玉氣噓
虹世或探斯驚吾寧惜爾幢察魚應小慧聽蟻豈真聰
靜躁聆徽外剛柔省殼中江湖歸獨步宇宙涉丹衷德
驥曾思附仙舟偶未同耐寒衣故白好古佩仍蔥夢枕
頻鮮荔羈帆幾落楓泥塗龜各曳霄漢鳳稀冲厲操期
霜栢吞聲等爨桐漸忘身顯晦得究學初終韓子哦雙
鳥莊生感二蟲樂莘晞行行憂杞笑忡忡選舉繫唐盛
方聞及漢崇貢琛凌渤澥懷組際穹窿穀欠防飢歛鹽

因析利籠駭民牛穀觫虛士鶴毳毳黼黻需耆俊襲殄
給老癯會看楊綰貴不計孟郊窮溫井覘陽長明奎卜
道隆斷辭規愛助華髮尚狂狷

送楊尚寶充靖江府冊封副使

明 李東陽

先朝台鼎地東里二孫賢秘閣三千卷符臺二十年驂
騶骨老大鸞鳳意蹁躑白戰危孤壘雄談漏百川才名
非忝竊供奉不虛員掖轉臯門右班分黼座前銅章嚴
夜衛玉璽聽晨宣魚袋諸衙集螭文舊印專東西頻節

傳前後擁貂蟬帝錫雲仍貴星分楚鄭躔旌幢隨導引
環珮肅周旋聖代儀文備藩王禮數虔詔開雲霧宇燈
簇綺羅筵榮幸真無比遭逢衆所憐此時沾慰遣茲事
豈迺遭樹暗梧溪雨帆經桂水天花飛春漠漠石亂水
濺濺細路峰巒際高城鼓角遶縣官齊下馬津吏自開
船公事程期近家園道路便壯遊真汗漫歸興得攀緣
梓里青山在松林白露懸衣存遊子線祭有大夫田綠
奠蘼原醑黃焚草誥賤恩光回落景靈爽動哀泉此願

人皆有如公實不憊幾家通舊閱羣從接登仙目斷江
湖迴心違几杖偏風流懷阮籍江漢望張騫我亦同朝
士臨歌意渺然

送昌祺李布政之廣西

羅 肅

南省儲英傑名藩得俊材詔從天上出人自日邊來風
裁安南服文光接上台薇垣膏雨潤桂嶺瘴烟開憶昔
簪初盍於金斗屢回搏霄驚一鶚伏櫪愧駑駘暫叙同
年好翻憐別恨催臨風歌此曲幽思繞金臺

湘山寺

孔 鏞

遙望湘山寺林深草木稠
光明無量塔壯觀佛書樓
禪室籠香霧湘江夢白鷗
流泉分太液飛石出羅浮
庵晦日初歛風清雨乍收
高松巢病鶴疎竹喚痴鳩
碑古苔蝕芸香老麝游
甲亭舒遠目佳句繼前修
忠耿思唐介循良仰柳侯
我從天上去弔古一遲留

撫蠻至古龍江

桑 悅

深入豺狼境干戈擁腐儒
撫綏勝薄伐狂狡敢長驅
雲

氣隨龍劒風光動隼旗險山俱作寨平地或為墟曲折
蛇行路縱橫虎鬪區宣尼何意思欲向此中居

南寧道中與張時行司諫聯句

魯鐸

策馬南寧道

魯

涼風起夕陽路盤山脊險

張

泉帶壑聲

長巢鳥驚還定

魯

湍魚隱復揚軍容森候騎

張

詩札富

奚囊客久知蠻語

魯

村遙見野粧肩夫花抹額

張

欸長

繡迴裳樹翳牛羊逕

魯

巖開黍稷場遠青新燒茁

張

疎

白老梅芳行急常兼傳

魯

眠安每憶航素餐慚共饜

張

清話愜連牀歲逼寒猶靳魯時侵意自強理琴鳴鶴調

張倚劒發龍光宵夢關王事魯鄉心入壽觴會教施並

吏張傳檄過憑祥魯

曉行宣化道中聯句

曉離施並驛張隱隱發前旌薄靄衿裾潤魯初暾騎從

明山椒嵐自幕張樹杪露猶盈蓐食狼兵過魯戎裝虎

士迎危橋經野水張敗竈識荒營飯葉墟人棄魯衣花

寨守榮照昇雲旆張原燎石支撐健翮驚鵬擊魯雄

姿控驥征行行日逾午

張

望望路兼程一逕緣深竹

魯

邕州見古城

張

與張僉憲謁韓公祠

周用

開府臨荒裔垂衣荷聖明
文章資舊學鉄鉞仗專征
王者親推轂書生願請纓
百蠻歸率土萬里倚長城
絕徼標銅柱中軍吹玉笙
推心諸將喜落距遠人驚
遺貌丹青古登堂俎豆榮
雲旗摩嶠色天馬撼江聲
風壤留南紀鄉邦仰後生
朱方誰作鎮白面且談兵
多壘猶懷辱

前籌敢好名斯民憂反側吾黨媿昇平
野戍聞宵柝春山候火耕
向來瞻拜地無奈宦遊情

過思同州書所見

陳瓊

思同接左壤過此不勝情舉目稀人迹
憑誰問土名劫灰飛欲盡野鬼哭無聲
敗屋簷垂地空困雀罷爭苧麻拋舊業
修竹撒荒塋嫠婦知何在孤兒幸此生
烟塵方去盜風樹或來兵潛逐麋麋住
寂聞雞犬鳴無辜嗟莫及有識恨難平
揮淚西風外亂階誰構成

湘中送榮老還金陵永寧寺

顧璘

搖落三湘外，經年愛爾來。
故人書總至，異域眼俱開。
放逐憐親友，悲歡向酒杯。
衲衣經雨暗，橫笛伴秋哀。
試與尋風洞，何如對鳳臺。
寺幽詞客滿，松古老師栽。
夢寐唯吾土，羈縻愧不才。
江山孤興減，瘴癘暮顏催。
澧浦難捐佩，龍門異曝鰓。
相看移去棹，轉見脫塵埃。
烟水滔滔地，隨緣易往迴。

中秋日學宮試諸生

宴坐中秋日雲晴灌水陽玉麟橫郭見文筆映波長隱
兒饒幽勝登堂總俊良英靈占萃聚神米愛舒張頗訝
遺珠遠誰云古道荒多聞沾柳教妙悟近周鄉僻壤緣
人勝儒紳貴志強嗟予牽世網垂老覓亡羊

觀玉柱巖作

列炬窺玄府褰裳步紫壇石田雲子白龍井玉漿寒巨
棟垂千尺幽房隱百盤仙靈多幻化造物自雕刊異境
今初闢清遊午未還爛柯如有遇何用戀塵寰

贈榮上人兼呈顧全州

孟洋

古有高人興今看靜者流江山成獨往風雨一孤舟
卓錫湘流暮移帆桂水秋朝登覆釜觀遠望蒼梧丘目極
南中勝心非道外求逢君看葉下謫客共萍浮暫結三
生願何孤萬里遊白雲懷舊國細雨別津樓碧樹諸天
迴黃花絕塞愁行過五馬第特此謝全州

南浦驛見官押送來降者詣桂林 李夢陽

歟壘因王化投荒荷主恩官為供廩餼詔許挈兒孫瘴

雨凋猺服蠻鄉引塞魂分明共日月耐可異乾坤慘淡
顏容變軒昂故性存彎弓望五嶺似欲遂平吞

送大司馬王陽明總督兩廣

夏言

聖主資文武中軍得范韓尚書初出閩上將復登壇日
月迴龍節風霜壓豸冠先聲諸路動雄略萬夫看珠虎
懸金印旌旗擁玉鞍星營刁斗振雲陣鳥蛇盤海色羊
城濶山形象郡寒坐令歸壤地行見滅寇殘蠻獠祠諸
葛蒼生倚謝安還朝畫麟閣勲業炳如丹

至昭潭

林應亮

乍艤昭平棹言登鎮粵臺軍聲諸部肅詔諭百蠻來建
節清烟霧營屯闢草萊戰艘依野泊關鎖逼宸開水岸
千家引山城萬角哀按圖多廢壘覽勝有荒苔擲甲驚
衰病紆籌媿淺才諸生尊俎上今日效涓埃

蕭行人報慶兩廣歸省江西

施峻

銀榜開玄圃金函下紫天寒香梅嶺雪春入桂林烟雅
頌重輪曲流虹少海躔丹檐經楚粵銅鼓走蠻蜒劒倚

衡陽月珠明合浦船雄藩清節重故里錦袍鮮永夜牽
長夢遄飛到日邊

康磐峰少參經略懷遠賦贈十韻并呈魏此齋大

參

謝少南

緹綺發龍城朱明復此行知君懷遠略從古慎佳兵江
靜魚龍陣山閒虎豹營雨飄炎暑歇嵐霽瘴烟清荒服
知歸命諸蠻信不征文身輸禹貢革面荅虞誠廢堞稽
時築閒田受日耕西寧百年計南顧九重情飛檄傳鳶

跼旋師望禹旌未能驂後乘自笑一書生

崑崙關二十韻

仄足崑崙上巋然虎豹雄峰凌萬石出關闢兩崖通先
旭蒸霞紫遲昏閣靄紅地高南逼斗山遠北連空絕壁
含槎古飛巖拂草豐泉聲千尺底樹色百盤中嶺並驚
鶯跼林皆掛狄叢紫紆回鳥道剗鑿啓鴻濛峻阪防旋
馬渟窪忽起虹未能尋隱穴徒詫秘仙宮越駱標重險
交邕挹下風蒼梧虞帝轍銅柱漢家功瓴建無前敵梯

懸失仰攻威儀探組練氣象表羆熊殘壘傳儂寇潛師
憶狄公時平談往事世久罷屯戎商旅宵無警樵蘇歲
有終海人從入筐巢鳥不傷弓裔徼藩垣壯中華界限
崇聖朝要服化吾愧播文同

永福堡寄邢侍御

錢 薇

憶別當春日差池忽夏初三江烟瘴地五嶺虎狼墟日
夜勞舟楫辛勤畏簡書平生湖海意凋落雪霜餘欲上
明光疏東歸學鉤魚

梧鎮閱武

張瀚

蒼梧秋獵處細柳漢家營四望千峰障迴瞻百雉城
潦收江岸濶木落曙烟清雲擁旌旗色風喧鼓角聲
虎羆皆振武猛獍亦輸情無術慙三略膚功藉五兵
投醪非責報授鉞奈專征試把剗犀刃聊殲鼓浪鯨

謁蔣少傅閣老敬所公第留燕移日即席奉謝

呂希周

鼎鉉調元暇需郊賁趾初典刑原在國拂志遂懸車
休

澣辭金闕遺榮傲玉魚霞歸東墅策璜等北溪漁別業
仙臺啓台園綺席舒三光明履烏四壁獨琴書巖室臨
青嶠旌門對紫虛瑤觥飛祖道組帳戀行旗綠野春仍
滿丹心瑩自如山開堯舜日

公所居在堯
舜山之陽

長照白雲居

送張端孟茂才還粵西應試

吳國倫

不忝通家子飄然有父風年從官署長文藉遠遊工鄂
渚蘭新茁豐城劒故雄多能平子後博物茂先同鼓棹
循江路囊書走澤宮三珠明大海六翮奮秋空嶺日扶

桑近鄉書八桂通染毫飛作絲吐氣鬱為虹策足寧轅
下掄才自穀中價增和氏璧聲振嶧陽桐謁帝馳燕駿
思親託塞鴻戒途千萬里飲餞莫匆匆

邵子任明府自桂林遣使再問山中寄謝

南郡論文日知君挾壯圖登臺高市駿得縣遠飛鳧瑞
集明堂玉光騰赤水珠美名行自見吾道未應孤豈意
三冬盡重來一騎驅書緘開鄂渚雲氣入蒼梧省舊殊
高義投閒自病夫殷勤那可報西望獨踟蹰

送顧子韶觀察之嶺表

俞允文

萬里牂牁地千秋銅柱荒明王初御宇至理切殊方重
以鵠鴻彥遙宣簡約章德流椎髻種威霽卉衣鄉義壯
關河近時平劒戟藏大川消毒霧攢樹失炎光氣候花
相續巖巒路獨長峒禽輸翡翠市粉出枕榔野淨篋簞
綠洲香橘柚黃南中今已樂抗手一稱觴

贈顧戒亭郎中出守始安十四韻 朱曰藩

英英桂林伯言擢尚書郎藉藉留曹俊無如顧長康一

麾欣有託二始屬惟良好續驂鸞錄行吟八桂堂山形
控陽朔水勢抱灘湘風俗虞衡著封疆會府長珪璋元
特達琴瑟想更張五管通華夏三公逼廟廊判花仍戴
筆視草罷含香征帆音入隨湘轉瀧歌與棹將洞中迎石
驚山上採都梁舉白君須盡徵黃事有常海氛銷茂苑
文教被狼荒明發東門道爭看建隼光

西湖逢蕭少宰元升請告還粵西敬簡斯篇凡三

十韻

錢希言

乞歸初賜傳名德重朝端隄擬春沙築城將夜火看鉉
衡新握鑑著作舊登壇說待商巖舉蕭扶漢室安星辰
隨劒履雨露寵衣冠溫樹何曾泄青蒲只自彈憂時雙
鬢白報主寸心丹北向雖懸魏西征偶類潘避賢方遂
請將母始承歡博望留行切東都擁道觀縣官前負弩
驛使後傳餐燭進緋羅炬冰浮綠玉杵歌鐘陳艦閣鼓
吹雜沙灘數聽郵籤報從教漏點殘過吳頻覽眺適越
且盤桓潮湧疑翔鷺峰迴學舞鸞參差三竺出峻絕兩

高寒空翠搖茵席飛嵐撲扇紈好乘青雀舫聊浪碧湖
千宿望山增重恩波水並寬門人瞻駐節詞客候停鞍
修刺元投李貽書為慕韓羣難空冀北步未出邯鄲石
豈堪倫璐蘅安敢喻蘭縱勞施黼黻無以報琅玕海燕
公嘗賦舟魚我每歎誰能收涸轍竊欲潤餘瀾粵嶺雲
千里桐江月一竿家家牛酒飲處處路碑刊更遲黃麻
下重來借羽翰

府江

何喬遠

府江天下險瘴色閉重山複樹紫帆出崩波湧棹還野
橈浮剗木崖析響茸管茵露夸方曉蒸雲客望閒雖云
清洞徼終是恐神姦忽聽玄猿唳多生顛顚顚

遊湘山寺禮無量師塔因簡舒孺立

并序

俞安期

湘山寺為無量師道場幻身留塔中八百餘年燬于
丙戌則孺立太史唱臚之春也孺立皈心法乘獲無
上智識者謂為無量後身云

禪宮開寶地覺道引金繩殿轉松廊入階緣蘇石登谷
深通午日澗遠挂春水鈴韻清疑近爐烟暖欲蒸林花
總優鉢簷鳥即迦陵恭禮標空塔還瞻出世僧有窮元
幻相無量始真乘華語遺經出毫光化佛憑法中誰復
起身後汝堪仍自昨登庸際曾聞禪代徵龍華寧雨絕
象教待雲興永願相從意思傳不盡燈

張羽王京兆邀同徐崇德明府張質卿太僕呂惟
師京兆汎舟江上自灘山過雉山至龍隱山賦

得八韻

百壺携縹碧雙槳發漣漪穿石舟全進浮江席緩移勝
從鄉老習風恰旅人宜灘下無懸勢山來各異姿羽毛
翔雉舉鱗甲蛻龍遺雲溜疑星海虹梁類武夸出隨山
簡醉遊即羨門期杖屨行方始千峰屬望時

疊絲巖

曹學佺

雨氣團蒼壁霞光散絲屏暮江沙更白秋壑草偏青澗
漾窺陽海峩嵒上越亭洞須窮北牖衣欲動南星峰接

城頭起舟過渡口停叱羊皆化石調鶴似棲研乍爾乘
軒蓋相從泛醪醕還須息塵累靜展法王經

送廣西蔣先生六韻

婁堅

南遷歸路近西上沂江遲已識三吳彥真堪百粵師昔
聞人可鑄今見羽為儀文學言公舊科條柳氏遺別筵
愁積雨去鷁趁涼颼身世青蘊穩先生任所之

七言排律

閣門錢舍人知全州

宋楊億

家傳吳越賢王後郡壓瀟湘最上游三殿從來奉宸展
一麾今去典方州蟬吟高柳隋堤暮水漲平湖楚澤秋
入境壺漿填候館上官饒吹夾華輶山川徧歷騷人地
宵旰遐方聖主憂應向桑郊停五馬青春太守本風流

題蒼梧部

陳執中

莫訝南方景物疎為君聊且話蒼梧地傾二面城池壯
江迸三流氣色麤山蓄火光因政出石藏牛影為仙呼
官廳傳自唐丞相民頌思從漢大夫龍母廟靈神鬼集

鰐魚池近介鱗趨朝臺望斷悲歧路冰井窺頻爽髮膚
鱠美不堪全用鯉果珍何忍命為奴雲歸上國名終遠
郡帶諸藩勢未孤銅鼓聲浮翻霹靂枕榔林靜露真珠
溪平花檻饒桃李疆壓鶯歌盡鷓鴣三足告祥文上載
獨峰為盛事元無封疆自覺隨時廣飲食從分過嶺殊
行伍戢威遵下武兒童知學樂從儒風輕別墅來漁唱
人到閒坊戀酒壚服尚鮮華幾兩蜀市相交易類全吳
營希賢帥偏栽柳扇慕良規各製蒲春聳門闌多列戟

雪從絃管舞雙奴只因談笑評風俗僭用詩謠和袴襦
萬里無媒休促蹙數年從宦弄斯須却憂別後牽吟想
欲寫幽奇入畫圖

送觀至能赴廣西憲司經歷

元傳與礪

薊門官柳徧鳴禽馬上離人酒強斟久以才名稱闕下
忽持風采照江潯三湘曉雨開衡岳百粵春雲接桂林
何遜到官勞賦詠謝安携客喜登臨吏人靜往山城僻
部使閒過幕府深溪裏藥苗寒自綠道傍榕樹晝多陰

蠻方比歲頻騷動巖壑何人更討尋明日孤帆逐君發
長沙南望最傷心

送林崇高廣西都事

明 張以寧

清江材子請長纓風雨南荆萬里行組甲夜馳豺虎窟
帛書朝奏鳳凰城公車已見登臣樂幕府旋聞用子荆
照海錦帆津吏報轟山銅鼓峒人迎檄來篁竹霜都靜
詩到梅花雪共清上日桂林延父老為言析木泰階平

寄都指揮使韓公柳慶征徭

陳璉

韓侯聲譽重雄藩，猛獍聞知膽已寒。
詩禮舊曾歌郤縠，龍泉尚擬斬樓蘭。
營連邕管烟生竈，夜度崑崙月滿關。
道路行人傳令肅，邊郵黎庶沐恩寬。
屯兵曉日明金甲，躍馬南薰拂繡鞍。
克敵一生存遠略，思親千里報平安。
閒將景物歸吟幌，常見風雲護將壇。
報國丹心堅似石，平蠻勲業重如山。
高情久與梅花共，行橐應無薏苡還。
早晚凱旋笳鼓競，捷書先已到金鑾。

追頌山總兵

萬節

將軍忠耿歿何年勁氣如生在目前垂世直看存信史
圖功豈必是凌烟南荒獨掛征蠻印北闕兼分薦士權
威鎮遐荒刑不濫恩施部曲愛無偏除堯有策寧容後
料敵多方肯讓先追給剽遺曾至萬獲俘頑梗動論千
計招流散爭歸業密禁貪婪畏取錢能使橋陽崇廟祀
願扶社稷共安邊

送胡主事犒廣西軍

李夢陽

七年重泛楚江舲五兩飄飄過洞庭諭蜀長卿元達節

平仲陸賈亦談經地從湘口分吳徼邑在衡陽對軫星
此去先過杜陵院與誰同上合江亭炎花瘴草供行目
猿唱蠻歌引客聽鼯鼠晝啼諸洞黑野猩晴語亂峰青
蠻荆本自勤周旅南越終當繫漢庭荔浦枝窮甘釜盎
梧川兵接詫雷霆威餘虎豹藜難採血蹂鯨鯢水尚腥
俄喜御珍頒內帑極知恩澤到重溟兔臨烏照誰非土
陰慘陽舒各有靈巢屋羽毛春拍拍洗天風雨晝冥冥
花明幕府頻長宴路出磨崖早續銘馬援還朝銷薏苡

馮驩傲世倚青萍蒼蒼百粵悲南狩渺渺三湘弔獨醒
夢渚雁回書不滯武陵雲起思俱停悲傷蕙草追金勒
點綴桃花惜玉瓶若道朱絃無絕響詎應黃髮有遺形
司徒邦計遙憐汝粉署爐香不可扃綵服便須隨彩鷁
白頭同離白蘋汀

左江聯句二十韻

魯鐸

左江晴日遡輕舠

張

風物撩人興益豪山好只疑行畫

裏

魯

灘危真覺泛槎高
清尊小共掀蓬坐

張

側枕頻驚

舉揖號巖集飲猿連曉樹魯案羅羹鷗雜溪毛踏青歌

陋聞蠻囷

張

浮白杯香醉洞醪波漾鴨頭衣借色魯茗

翻蠅眼鼎生濤誰云石窟藏銀甕張自愛泉音度玉璫

雨釀薄寒襟袖爽

魯

樵迴新漲水雲勞子長寧盡天涯

味

張

韓老猶焚畧後膏每厭魚腥過竹柵魯生憎鷗迹

占蘅皋木綿花發霞殷岸

張

馱板津虛月滿艚學得蘆

笙僮僕喜

魯

聯催鉢韻鬼神鑒時看落紙行鴉墨張却

憶當筵奪繡袍取次竿程憐歲月

魯

崢嶸承命幸逢遭

虛誇博望星河迴

張

仍鄙終軍節鉞叨鄉夢直隨芳草

遍魯游踪還紀翠崖牢聲傳鬢篋來空谷

張

光露干將

泣巨鰲沙驛泊遲常列炬魯絲桐乘夜輒鳴猱悠悠歸

思彌南極

張

赳赳前驅屬右橐明到京華春正好魯紫

宸風暖拂旌旄

張

桂林卧病書懷

袁 裴

南中春半已飛花客裏傷春更憶家舊說炎荒惟象郡
今來卑濕倍長沙山嵐弄雨初疑霧海氣披晴忽變霞

杳杳蒼梧分嶺外
迢迢銅柱極天涯
殊方物候偏驚早
到處狂風未慕華
日報峒蠻騷戍堡
時傳江獍刼鹽楂
投戈共喜交州順
游釜猶嫌荔浦譁
遠道甲兵愁阻絕
羸軀瘡瘡苦交加
折腰元亮辭先賦
病肺相如思轉賒
鼓柁新秋還甫里
杜門終日卧官衙
尊鱸自足供饌粥
薏苡休教載使車
莫怪掛冠胡太早
二毛無意戀烏紗
五月既望慶遠郡
齋聞雁同門人
周孝修有賦

岳和聲

差池猶見羽翩翩回雁峰過二千度嶺斷行疑怨字
隔雲哀叫似驚絃沉魚曲罷閨思夜客雪書傳奉使年
出塞須知春盡後到鄉應在客歸先閒來目數頻搔首
欲託緘題鴛水邊

慶遠郡廨集餞七孝廉計偕北上賦贈

先是文廟前蓮塘中故有數峰稱文筆郡諸生以獲
戾太守詭言不利剷去坐是薦南宮者絕響予呼五
丁為移龍江之石補之而天門山雙峰為馮當世發

夢勝蹟則歸然亡恙也用當勸駕并勗秋試

天門舊有雙雙在蓮岳新添箇箇成靈傑一時回氣色
風雲百代見蜚鳴波瀾已許增前輩跋扈須知動後生
春滿瓊林推領袖秋高桂嶺共崢嶸鵬搏欲怒三千里
壁價終償十五城到日聯翩花陌徧歸時蹀躞柳江迎
甘泉自應明庭詔刀布何勞蜀守情講德與君原不淺
莫將溫飽負深盟

粵西詩載卷二十